

# کتابخانه

سر ۱۳۳۰

والله يهدي من يشاء الى صراط مستقيم ديني ، علمي ، ادبي ، سياسي هفتعلق بمجموعة اسلاميه در  
اتبعون اهدكم سبيل الرشاد

صاحب و مدير مسئول : ح . اشرف اديب

عدد ۲۷ - ۲۰۹ ۲۳ رمضان ۱۳۳۰ پنجشنبه ۲۳ اغستوس ۱۳۲۸ جلد ۲ - ۹

حیات معنویه نك تماایسی دائماً حیات مادیه نك زندگی و تکمیلش عرض افتقار ایدر . بونلردن یالکیز بریسیله جدا لکاه حیاته تأمین مظفریت ممکن اوله من . حقایق دینییه قطعی وقوفله برابر ساحه فک مناطق مستوره سنه نفوذ ایدیلیرسه انسانده کی عقیده دها زیاده رسوخ پذیر اولور . حیات مادیه ده مظفریت اسبابی بزه علم وفن اوکره ته جکدر .  
سیل الرشادک مباحث سائره سی ایچون تعقیب ایدیله جک خط حرکت حقنده برنجی نسخ مزده معلومات لازمه ویرمش اولدیغمزدن بوجلدده دخی عینی اساسلر تعقیب ایدیله جکنی عرض ایتمکله اکثفا ایدیورز .  
توفیق اللهدن : اتبعون اهدکم سیل الرشاد .

## نَفْسِ شَرِیفِ

حقیقت ، کړك دینه ، کړك دنیایه عاڼد ایشلرده اوامر التیه یی دیکله مه مک ؛ کندی عقلنک ، کندی وجداننک حکمنی ابطال ایله باشقه لرینک اوها منه طاینمق قدر صاحبه بر حرکت متصور میدر ؟  
امر دینی تقلید ایله قائم بیلیمه نك سیئه سیدرکه : بطندن بطه برر ایکیشر بدعت ، اوچر بشر خرافه میراث اوله اوله بوکون عقائدیمز ، طاعامتز ، معاملاتمز عادتا خرافات مجموعه سی ، بدعت بیغنی حاله کلمش ! دینک شکل صحیحی قولای قولای تخطر بیله ایده میورز !  
بو کون بر بدعت سیئه یی دیندن چیقاروب آتمق ، دینک اک بویوک ارکانندن برینی ییقمق دیمکدر ؛ بلکه اوندن زیاده غلیانی موجب اولور !

کوره نك دینزی تخریب ایتدیکی قدر دنیا مزی ده ایتشدیر . ذاتاً مسلمانه لکده دین ایله دنیا بربرندن آریله ماز که . ایشته تاریخ میدانده طور و یور . ملت اسلامیه شریعتی صفوت اصلیه سیله محافظه ایتدیکه هم دینی ، هم دنیاسی معمور ایشم ؛ اوصفوتی بویله برسوری بدعتله بولاندیرنجه خسرانندن خسرانه دوشمش .

نه غریبدرکه : شرقده ، غربده ، شمالده ، جنوبده ، حاصلی دنیانک هر طرفده ، حلتک عوام قسمی « آتالریمزدن بویله کوردک » ولوله اعتراضی هرندای ارشاده قارشی اک مدهش ، اک مستحکم برسر کی یوکستیر طور ورکن ؛ متفکر اولماسی ایجاب ایدن خواص طبقه سی آتالردن کوردیکی ای شیلری ده مطلقاً آتمق ، هویت ملیه لرینی تپه دن طیرناغه قدر دیکشدریمک سودا سنده !

یکینی اییلکندن ، خصوصیه لزومندن دولایی آلمق ؛ اسکی پی ده فنانی ثابت اولدینی ایچون آتمق کیمسه نك عقلنه ، دها طوغریبی ایشنه کلیور !

دینی تقلید ، دنیاسی تقلید ، عاداتی تقلید ، قیافتی تقلید ، سلامی تقلید ، کلامی تقلید ، خلاصه هر شیئی تقلید اولان برملتک افرادی ده انسان تقلیدی دیمکدرکه ، قابل دکل ، حقیقی برهیئت اجتماعی وجوده کتیره من ؛ بناء علیه یاشایه ماز .

محمد عاکف

## بِسْمِ اللَّهِ الرَّحْمَنِ الرَّحِيمِ

وَإِذَا قِيلَ لَهُمْ اتَّبِعُوا مَا أَنْزَلَ اللَّهُ قَالُوا بَلْ نَتَّبِعُ مَا الْقَيْنَا عَلَيْهِ  
آبَاؤُنَا أُولُو كَانِ آبَاؤُهُمْ لَا يَعْقِلُونَ شَيْئاً وَلَا يَهْتَدُونَ .

ترجمه سی

« هم اونلره : « الله نه کوندرش ایسه اوکا اوییکز ، دیندیکی زمان ، « ز ، دها ای ، آتالریمزی ، مداوم بولدیمز شیلره اویارز ، دیرلر ؛ پک اعلا یا آتالری برشیئه عقل ایردیره مه مش ، طوغرو یولی سچه مه مش ایسه ، ینه می اویه جقلمز ؟ »

\*\*\*

آیت کریمه سورة بقره منسوبدر . بونکله برابر ، عینی مالی تبلیغ ایدن دیکر آیتلرده واردر . « بل قالوا اما وجدنا آباؤنا علی امة وانا علی آثارهم مهتدون . وكذلك ما ارسلنا من قبلك فی قرية من نذیر الا قال مترفوها انا وجدنا آباؤنا علی امة وانا علی آثارهم مقتدون . اتبعوا اما انزل انیکم من ربکم ولا تتبعوا من دونه اولیاء . » کی ترجمه ایتدیکمز نظم جلیلک اسلوب حکیمه دقت اولنورسه کورولورکه : کور کورینه تقلید ایدنلری ، یعنی کوره نك دنیسلن او « عقائد باطله خلاصه سنک ، قویروغنه یایشوب کیدنلری ؛ الله ذوالجلالک لسان شریعتله ، لسان فطرتله تبلیغ ایلدیکی حقیقتلره قارشی کوزلرینی یومزب قولالریخی طیقایانلری ، خلاق عظیم ، ولوغاب ایله اولسون ، خطابه لائق کور میورده اونلرک حائی حکایه صورتنده بیان بونوریور .

آ کلایانه بوندن بویوک عبرت ، کوردنکجیلر ایچونده بو قدر آغیر حقارت اوله ماز .